主用的驢駒致嘲彼得的雞函

五德仁兄如見:

條函覿面,至為悵念!愚因被人拴在小村街上,久無人用,亦無人敢用,不是伏歷,而是被囚,既不能自由,亦不能行動,未晤原因在此,想老友如兄,亦知我諒我也。後得主耶穌囑附門徒將愚解拴,又用作主之座駕,昂然進入聖城,從茲恢復自由,齎志得伸,上主鴻恩,沒齒難忘。

前聞兄因西門彼得三次不認主,至少兩次啼叫,驚醒愚頑,使彼得羞慚無地,抱頭痛哭! 兄之敢言善叫,比施洗約翰之曠野人聲尤響亮,比耶利米之哀歌尤悲壯,使拔刀砍落馬勒古耳朵之蠻漢,亦為感動,無怪乎四部福音書均詳為記載,後人讀之,無不悚目驚心,壯哉!吾兄原有五德之譽:頭戴冠者,文也;是傳距者,武也;敵在前敢鬥者,勇也;見食相告者,仁也;守夜被不失時者,信也。今應再加一德 -- 敢對不認主者嘲,忠也,共為六德矣。

迄今事隔二千年,久未聞兄再叫,是政治壓力所致乎?是生活環境不如意乎?是營養不良,聲喉沙啞乎?抑是正氣消沉,只作應聲之蟲,而不再作正義之叫耶?今教會中不少假公濟私,假仁假義,假愛心而充恩慈,假虔敬而圖私利,較諸彼得尤可惡,猶大更可憎,何以未聞兄叫?俗語云:「一雞死,一雞鳴。」莫非兄之族類已死光乎?又或間「殺其能鳴者」而噤若寒蟬、三誠其口、有口難言、啞口不言乎?果如是,難怪當年被人指摘孟嘗君之市義成名,亦「雞鳴狗盜」之徒耳!

昨旅行東方之珠,偕友輩登酒家午餐,茶點中「雞腳」稱為「鳳爪」,乃質詢侍應生,據云:「世之為欺者不寡矣,而獨我也乎?吾子未之思也。君不見市面一樓一鳳之招牌乎?彼鳳亦雞,聖主不加誅,宰臣不見斥,試問法律何在,風化何存?……」侍應生言猶未已,思則抱頭鼠竄而逃。不禁喟然嘆曰:「鳳兮,鳳兮,何德之衰!」

寫至此,突然想起街上店中,有多種 XX 雞精出售,大型小型,樽裝盒裝俱備,而所用必是雄雞,想或兄之同伴,均已遭殺盡而供人饗用,無怪乎再無雄雞鳴叫,而興起女强人,作牝雞司晨也。然耶否耶? 兄可為愚告否?

然屬在老友, 特為兄提防一事, 近聞西門彼得性情暴躁, 逢人詈罵, 甚至動手揮刀, 兄倘 與他相見, 不難被他拔刀相向, 然可為兄告慰者, 彼得所持為牛刀, 殺雞不用牛刀也。特此奉 告, 並候

晨安!

愚專為主用的驢駒子上

公雞覆驢駒函

倒騎仁兄大鑒:

捧誦手書, 諧謔兼備, 使弟慚感交集, 悲喜相迸! 弟族只知雞鶩為羣, 豈敢鳳凰共匹, 而沾光掠彩耶? 目前與族眾旅遊香港, 街上酒家林立, 以為登樓大嚼, 一快朵頤, 豈料打開菜牌一看, 「炸子雞」、「白切雞」、「豉油雞」、「鹽焗雞」……赫然牌上, 嚇得我渾身大汗, 嘴震腳軟, 全無胃口, 於是拉隊出門, 聞維多利亞公園有中秋賞月大會, 乃蜂擁前往, 至燈謎台側, 台前豎一長竹竿, 竿頂縛一大公雞, 謎面「猜千字文一句」。我等見此情形, 怒目而視, 不久見一書生, 行前揭穿謎底為「鳴鳳在竹」, 我等更悲忿填膺, 返回酒店, 一宿未睡, 翌日, 聯羣到政府制止虐畜會投訴上述兩事, 坐堂官傾耳而聽, 聽畢大聲斥罵:「雞聲雞氣, 不知所說何事。」隨手將木一擊:「走!帶同雞腸信再來, 然後受理。」我等聞雞腸二字, 恐遭剖腹, 即各各大叫, 奪門而出, 翻飛狗走而逃, 並造訪大光樓主, 叩詢原委, 樓主捧腹大笑曰:「雞腸者, 英文代名詞也。雞腸信者, 即英文信之謂, 官要你們打英文信再去投訴。」即席代打信, 簽署後又登門送去, 迄今兩月, 音訊全無。想又是石沉大海, 亦必是官場之正常作風也。

留港不久,轉赴大陸遊覽,突想起在令先祖表演「黔驢之技」而大失威望且遭虎噬之地貴州(黔)省,乃取道前往,抵步後,過訪未見華宗,随街尋訪,亦無「驢氏宗親會」招牌。詢問當地人等,據稱若干年前,偶見「騎驢過小橋,獨歎梅花瘦」之騷人墨客,惟近來少見矣。又稱野獸家畜羣中,驢為最無功能之動物,雖云前有「驢蒙虎皮,羣獸畏之」紀錄,但轉瞬間被人揭開虎皮,驢形畢路之後,已久為眾人所丟棄,迨古人「黔之驢」文章面世,兄之族類更為世人不齒矣。世事如棋,人情似紙,曷勝浩歎,惟恐兄「背上光榮」之匾額,亦隨之而褪色無光。弟之「雞肋」,早已被稱為「食之無味,棄之可惜」,然與兄相較,則猶可誇耀一二,難怪中國古語云:「寧為雞口,毋為驢後」。(註:驢、馬、牛乃同伴,牛後改為驢後,亦無不宜,兄以為然否?)至於仙家張果老倒騎兄背上,可謂侮辱之至!理應提出抗議,未知兄族有無進行,以雪奇耻?

來文詢及「興起女强人, 牝雞司晨」之事, 令弟悲憤莫名!蓋自西風東來, 風俗民情大變, 所謂男女平等, 同工同酬, 公一份、婆一份之歪論大倡, 甚且實行, 由於許多國家女强人興起, 女權大張, 男權大減, 吾族亦隨波逐流, 望兄見怪莫怪可也。

最近得一傷感消息,是從台灣來者,因雞蛋多供於求,銷售過剩,自然不少成為壞蛋,不能供食,於是要殺雌雞百萬,減少蛋產,以保全銷蛋商販市場,此舉可謂殘忍之極矣!未知是 否針對牝雞司晨而有此悖理之事?有機會赴台,自必向當局請願,或遊行示威也。

似此情形,則弟等雄性者,多為「王老五」,亦有何心神引嗓高叫乎?如此說來,後此「聞雞起舞」之徒,隔晚撥定計時鬧鐘起床可也,弟等亦慳番啖氣矣。

目前與使徒彼得會面,且並肩同遊,言笑甚歡,成為老友,兄謂其携牛刀出入,想是誤傳,毋須罣慮!知聞錦注,特此奉聞。

搦管覆書,雞釘唔斷,有瀆清神,祈為鑒諒!敬候

康健!